

fuerat: Quacunque die comederitis ex ligno hoc morte moriemini. Gen. 2, 17.

26. Vtrumvis elegerint Sacramentarij, manifestâ absurditate, imò blasphemiam laborare deprehendentur.

27. Neque enim comminatio isthæc, fulgur quod aiunt è pelvi fuit, inane terriculamentum: sed verè æterna morte pereundum fuisset protoplastis, nisi divina ipsis succurrisset misericordia.

28. Siquidem uti B. Fulgentius scriptum reliquit. prima mors animæ, quam sibi homo intulit, secundæ mortis est causa: & secunda mors, quam Deus homini reddidit, primæ mortis est pœna. Lib. 1. ad Monimum cap. 27.

29. Vnde & D. Irenæus Adamum, primum possessionis Diaboli vas factum, & sub ipsius potestate detentum fuisse captivum expressè scribit, donec Dei superveniente misericordia condemnationis vinculis solutus fuerit, Lib. 3. contra Valent. c. 33:

30. Sed & alia huius generis exempla nobis sacre literæ suppeditant: ut Aaronis, cui ita succësuerat Deus ut voluerit eum excindere: Apostoli Thomæ, articulum fidei de resurrectione Christi negantis: Hymenci & Miletii, qui fidei fecerunt naufragiû: Corinthiaci istius incestuosi,
quem